

Nalić: Pokušavamo regenerirati igrače za prolaz u Kupu BiH

Stručni štab Slobode pokušao je od subote regenerirati umornu ekipu Slobode, u kojoj je 13-14 igrača izloženo velikim naporima usljed ubrzanog ritma odigravanja utakmica u prvenstvu i Kupu BiH.

Šef struke, Zlatan Nalić, kaže da se u minula dva dana na treninzima radilo isključivo na rehabilitaciji igrača.

– Osjeća se kod većine zamor, što se vidjelo na utakmici protiv Zrinjskog. Vrlo dobro smo odigrali prvo poluvrijeme, potom smo nesretno primili gol i pali smo. Sutra ću imati na raspolaganju sve igrače, uključujući i oporavljenog Smajića. Iskoristit ćemo njegovu želju da igra i svježinu barem za jedno poluvrijeme – kaže Nalić u razgovoru za Fenu.

U osmini finala Kupa BiH Sloboda je dobila jednog od najtežih suparnika. Tuzlaci ipak očekuju prolazak u narednu rundu takmičenja.

– Široki je težak protivnik. Jedna su od najčvršćih ekipa u Premijer ligi. Naša šansa je što igramo pred domaćom publikom i uložiti ćemo maksimum napora da pobijedimo. Pošto se igra samo jedna utakmica, vjerujem da ćemo izboriti plasman u četvrtfinale Kupa BiH – zaključio je Nalić.

Utakmica Sloboda – Široki igra se sutra od 18.30 sati. (F, mp, tl)

Date: 02-10-2018